

西北史地文獻 第八卷

中國西北文獻叢書
· 二編



中國西北文獻叢書二編·第二輯

西北史地文獻

第八卷

甘肅省古籍文獻整理編譯中心 編

本卷目錄

那文毅公奏議

四

〔清〕那彥成撰

.....
一

【清】那彥成撰

那文毅公奏議

四

〔清〕那彥成撰。那彥成，字繹堂，章佳氏，滿洲正白旗人。是書八十卷。清嘉慶時那彥成在新疆伊犁、喀喇沙爾（今焉耆）、葉爾羌（今莎車）、喀什噶爾（今喀什）等地任職多年。道光七年（一八二七年），清軍平定和卓後裔張格爾之亂後，那彥成以欽差大臣直隸總督身份赴南疆籌辦善後，奏事百餘件，對新疆內外政策提出不少改革性建議，涉及政治、經濟、軍事、文化、外交等，以圖革除時弊、整頓邊防、發展生產。有關新疆奏章主要集中在後八卷。

邨文毅公奏議

那文毅公二任直隸總督奏議目錄

卷六十二

恭謝

天恩

卷六十三

懇恤民瘼

賑撫磁州地震

卷六十四

恭報雨雪

卷六十五

那文毅公二任直隸總督奏議

目錄

經營漕政

籌剿海運

卷六十六

宣防疏濬

建修工作

卷六十七

興復義倉 附議追賠州縣虧缺

清查宣化倉儲

催辦旗租

議追地糧 附勘限清釐州縣徵存未解地糧

議實庫儲

卷六十八

訓練武備 附酌定修製器械章程

疏通駐防旗兵

整飭邊戍限期

懇濟兵需

議設多倫諾爾廳學校

籌備新疆兵差

卷六十九

搜弭盜源 附議改罪名 酌裁捕盜兵弁改加快役

那文毅公二任直隸總督奏議

目錄

卷七十

分獻諸獄 附酌改京控杖徒各案為題 疏通新疆

遣犯 議請復州縣自理詞訟 仍歸道府稽查舊制 留養人犯分別匪省遠近提審委審事

卷七十一

推薦賢能

因時改隸

請改四路同知歷俸

酌定邊俸州縣補用章程

卷七十二

糾彈庸劣

請禁私役

那文毅公二任直隸總督奏議

目錄

三

那文毅公二任直隸總督奏議卷六十二目錄

卷六十二

恭謝

天恩

那文毅公二任直隸總督奏議

目錄

四

那文毅公二任直隸總督奏議卷六十二

男容安恭輯

恭謝

天恩

道光五年十月二十二日曠

觀

道光五年十月二十八日奉

上諭蔣攸銛著來京供職直隸總督著那彥成補授

道光五年十一月初十日

奏為恭報微臣抵任日期叩謝

那文毅公二任直隸總督奏議

卷六十二

一

天恩事竊臣三載邊陲毫無寸効昨蒙

召覲

訓勉諄詳犬馬戀誠藉以少釋不期復沐

鴻施卑以直隸總督五中感悚莫可名言自

陛辭後即於初六日起程初八日行抵保定省城初九

日辰刻准前督臣蔣攸銛派委文武大員齎送關

防並

王命旗牌等件前來當即恭設香案望

闕叩頭祇領伏念臣識淺才庸復膺重寄雖從前曾

任此地而相距已及十年一切情形多非昔比昨

陛辭時仰蒙

聖明訓示必須首嚴武備整飭地方跪聆之餘當即時

時籌度第直隸為

畿輔首區一應事務繁劇倍於陝甘容俟察看稍有眉

目即當殫竭愚誠勉圖整頓斷不敢稍存畏難就

避之私以冀仰報

高厚鴻慈於萬一謹

奏奉

硃批盡心力而為之以副委任

道光六年五月十五日長子容安蒙

那文毅公二任直隸總督奏議

卷六十二

二

恩授正紅旗漢軍副都統

道光六年五月二十日

奏為恭謝

天恩事竊臣接閱家信知長子容安仰蒙

聖恩補授正紅旗漢軍副都統聞信之下感悚交深伏

念臣世沐

深仁躬膺重任忝封圻之領袖荷

委畀之隆恩夙夜圖維正愧毫無報稱至於臣兩子尤

屬魯鈍年輕茫無知識久叨

驅策之殊恩已覺驚駭之非分豈意仰蒙

高厚頻沐

稠施去歲^臣次子容照業已濫廁卿班今茲長子容安

復荷

擢膺峻秩一門之內疊被

鴻慈父子三人均秩聯一二品大員不特

恩榮過分刻凜冰兢即今門第之盛求諸內外諸大臣

中一時亦罕有其匹盟心銜感既難報夫涓埃而

戒滿持盈且倍深夫悚惕^臣惟有嚴切訓勵教其

誠敬事

君勤慎辦理不得稍涉虛浮亦不得稍存高興果能事

那文毅公二任直隸總督奏議

卷六十二

三

事實心實力則事事自能有濟惟誠惟勤庶可補

天分才力之所不及時加慎勉上報

鴻施始可仰承

恩眷謹

奏奉

硃批知道了

道光六年八月二十一日

奏為恭謝

天恩事竊^臣接閱邸抄欽奉

上諭本年海運現已全數抵津迅速肅事直隸總督那

彥成督率藩司屠之申酌議章程預為經理妥善那

彥成著交部議敘欽此當即恭設香案叩頭謝

恩伏查本年直隸辦理江蘇海運漕米^臣僅與藩司屠

之申酌定章程並飭清河天津二道多備剝船疏

通河路及派委員弁輪流押送^臣並未到津躬親

督率實無纖悉微勞乃荷

聖主隆施

賞加議敘

恩慈優渥感愧交深^臣惟有倍竭愚誠益加勉力於地

方營伍各事宜盡心整頓辦理以冀稍答

那文毅公二任直隸總督奏議

卷六十二

四

聖恩於萬一謹

奏奉

硃批知道了

道光七年閏五月初二日長子容安從征回疆蒙

恩授為阿克蘇幫辦大臣

道光七年七月十七日長子容安蒙

恩調正藍旗滿洲副都統

道光七年九月十七日回疆克復四城長子容安

次子容照均以從征蒙

恩交部議敘

道光七年九月二十一日長子容安蒙

恩授伊犁參贊大臣

容安謹按以上四事 先公謝

恩奏稿未存然紀

恩書事謹誌其目

道光七年十一月二十三日

奏為道經保定將直隸應辦一切事宜詳悉交代奏

慰

宸懷事竊臣

陛辭後出京於本月二十二日抵保定省城當將臣衙

那文毅公二任直隸總督奏議

卷六十二

五

門應辦一切公事與護督臣屠之申逐細面為諸

求俾諸事得有把握益可措置裕如伏念臣仰蒙

恩命調任直隸已屆兩年因係舊治之區諸易入手而

又分理得人是以前事漸就整頓竊惟

畿輔重地當以除莠安良為第一要務臣到任以來

派令文武員弁嚴密躡捕先後拏獲竊盜二千一

百七名現尚有未結各案擬審結後查明出力人

員於年終奏請鼓勵旋因交卸未及查辦茲飭署

臬司陶樞確查獲犯最多情罪較重者開單由護

督臣酌核奏懇

天恩量予獎勵庶各員弁知所奮勉而緝捕更可得力

至奉

旨交辦之案除陸續訊結外尚有二三案因人証未齊未

能審結已囑護督臣屠之申趕緊催傳各案人證

即行訊明奏結又整頓營伍亦屬目前要務屠之

申前因對中布靶

賞戴花翎射箭本其所能而臣每於校閱操陣時有必

令其隨同閱視打鎗射箭之法備細講求亦頗領

會從此加以勤練便可嫻熟但須各將備認真訓

練日久不懈臣已嚴加諭飭並令將臣所排戰陣

那文毅公二任直隸總督奏議

卷六十二

六

隊伍照常操演諭以臣雖暫時出差直督臣本缺

將來考校設有生疎不稍輕恕屠之申辦事認真

亦斷不至任其懈怠至天津水師裁撤後改設之

大名鎮各官兵除應建衙署等項因現值停工之

時再行從緩興辦外查大名毗連山東河南地處

極要近又每有匪徒勾結之案巡緝操防尤關緊

要臣已諄囑屠之申不時嚴飭各將弁嚴緝勤操

毋使有名無實至臣奏辦勸捐義穀新舊四十二

萬餘石均已實貯在倉各州縣修復義倉均已一

律落成間有因凍停工展限開春報竣者不過十

之一二倉厥歲修亦皆籌有經久之資全在督飭各州縣慎守其成不稍侵挪廢弛仍俟豐稔之年再行續勸俾倉廩益臻充裕緩急可以無虞又臣奏明裁汰書役二萬三千餘名通省徭役一均民間稱便若不隨時嚴查恐日久又復增添於除弊之法依然無益此二者皆屠之申隨臣辦理完善深知持久乃有成效復諄切牒勉不致懈弛此外惟長蘆鹽價改用銀椿實於

國計商運大有關係經臣條奏部議請

旨飭交河南山東撫臣查議覆奏臣採訪輿論並無窒

那文毅公二任直隸總督奏議

卷六十二

七

礙俟該撫臣覆奏到日如果可行囑屠之申會同

鹽政悉心籌畫總期上與

國帑不致虧懸而民間亦無食貴之虞方為盡善其

他循例公事本年直隸秋成豐稔糧賦踴躍輸將

除蠲免外以十分核計僅有絲毫蒂次較往年大

有起色八項旗租向來年終報解不敷

恩賞八旗之用經前督臣蔣攸銛奏明清查旗地臣到

任後立定章程佃給執照按照徵租上年及本年

報解銀數仰供

賞賚之外大有盈餘熱河遠在口外事務繁雜最為難

治而六廳州縣向用理事同知通判兼管不諳地方情形公事每多貽悞經臣奏請照烏魯木齊之例由口內州縣不分滿漢對調將刑名錢穀各事均歸都統題奏奉

旨飭部議准其一切章程現向會同熱河都統核議已囑屠之申悉心酌議奏明請

旨定奪總期行之久遠無弊俾口外地方日臻治理保

甲一事於嘉慶十九年在任時責令各州縣確

查造報歷久遵行前督臣蔣攸銛增益條規編查

較易復飭該州縣實力查造丁男戶口按籍可

那文毅公二任直隸總督奏議

卷六十二

八

稽於弭盜詰奸之法不無裨益惟囑屠之申循照

辦理該護督臣仰沐

殊恩膺茲重任亦斷不敢稍涉因循苟且自外

生成交代事畢即於二十四日自省起程前進再本

月十九日省城得雪四寸有餘經過之良鄉涿州

等處均得雪二三四寸來春麥收可期豐稔民氣

怙熙仰仗

皇上鴻福誠為太平氣象謹

奏奉

硃批諸凡認真經理可嘉之至仍有面諭未盡之言茲

特諭之

容安謹按此摺所奉

硃筆密諭未敢存稿是以未載是時回疆喀什噶爾逆
首張格爾尙在稽誅爰有西使之

命直隸方伯爵公之申署理督篆直督缺並未開以故
自道光五年十二月起至十一年二月止事蹟
仍並爲一任恭載餘卷皆同自道光七年十一
月至九年六月督辦軍務并善後事宜另卷
恭載於後

道光八年三月十八日

那文毅公二任直隸總督奏議

卷六十二

九

奏爲恭謝

天恩事竊臣於三月十五日准吏部咨道光八年正月
二十三日奉

硃諭此次京察吏部將內外各大員開單具奏朕細加
酌核直隸總督那彥成自調任以來盡心職守操兵
緝盜等事不遺餘力甚屬認真著交部議敘欽此臣
跪讀之下感激悚惶莫能名狀伏念臣仰承

恩命調任直隸總督深以

畿輔地方緊要政事殷繁臣知識短淺未能控制裕
如勉竭駑駘時虞冰兢幸托

聖主鴻福兩載以來賜雨時宜歲功豐稔是以地方安

帖諸事得以措手卽一切應辦事宜亦俱仰賴

訓誨提撕藉免愆尤至於操兵緝盜本臣職分當盡之
事廼蒙

聖恩優渥

特予京察議敘撫躬循省悚感交繁惟有益矢愚誠盡

心職守並將現辦回疆南路善後事宜熟籌經久
無獎上慰

宵旰以期仰答

高厚鴻慈於萬一謹

那文毅公二任直隸總督奏議

卷六十二

十

奏奉

硃批知道了

道光九年六月二十三日

奏爲恭報微臣回省日期奏謝

天恩事竊臣於六月十三日瞻仰

天顏屢蒙

召對仰荷

寵榮逾分

訓諭周詳自問何修得逢

異數五中感悚莫可名言

陛辭後於十九日出京二十一日抵省臣離任已有年餘直隸地方仰賴

聖主鴻福連年收成豐稔民情亦均安謐臣自問精力

尙不致衰頹而心思漸形鈍拙

畿輔重地恐精神稍有未周致負

委任寸衷兢惕寤寐難安惟有恪遵

聖訓勉竭駑駘將地方河工營務各事宜實力實心次

第逐加整頓以冀稍酬

高厚鴻慈於萬一謹

奏奉

那文毅公二任直隸總督奏議

卷六十二

十二

硃批知道了

道光九年八月二十九日

奏爲敬陳感悚下忱叩謝

天恩事本月二十八日奉

上諭本日朕由深河村西大營至文殊菴行宮一帶間

有泥淖據御前大臣等奏請將承辦之員交直隸總

督查奏朕早間策馬經由蹕路馬足易陷之地亦不

止一處承辦道路之員咎實難辭姑念究係雨後一

時未能趕墊堅實尙非有心草率所有承辦各員著

加恩免其奏處嗣後該督務當嚴飭認真修治一律

坦平如再有辦理不善之處定卽從重懲處不貸欽此臣聞

命之下不勝感悚伏思

鑾輅經臨地方官修治道路分應恪恭將事敬謹小

心方爲盡心厥職

聖駕駐蹕文殊菴

行宮經由道路馬足易陷之地不止一處雖在雨後

究係碾研未能堅實承辦之員辦理不善罪無可

追卽臣與道府各員未能先事督令認真辦理亦

難辭咎仰蒙

那文毅公二任直隸總督奏議

卷六十二

十三

皇上不予嚴懲復

加恩免其奏處

聖恩高厚感愧難名惟有嗣後事事小心慎益加慎以

冀少贖前愆爲此恭摺奏謝

天恩謹

奏奉

硃批覽

道光十年四月初二日長孫二品廕生慶霖蒙

恩以文職用授主事分刑部學習

道光十年四月初四日

奏爲恭謝

天恩事竊臣於嘉慶二十五年倉場侍郎任內恭逢

皇上御極覃恩

賞給二品廕生由旗呈請以臣之長孫慶霖承襲因年

未及歲未能赴部引

見茲接家信知慶霖於本年三月二十八日引

見奉

旨著以文職用欽此當卽望

闕叩頭祇謝

天恩伏念臣滿洲臣僕世受

那文毅公二任直隸總督奏議

卷六十一

十三

國恩自通籍後由翰林

簡授尙書總督重任

三朝之際遇極隆涓埃未効我

皇上臨御以來

疇覆恩寬得幸免於叢愆復頻叨夫

異數臣子容安容照均已仰蒙

殊恩

擢用二品大員季子容恩現亦供職郎署父子兄弟同

沐

參養深恩通計中外滿漢大臣中如臣之祖孫父子一

門榮過實無其二既慚且懼雖捐糜無可圖報茲

復以臣孫慶霖

賞用文職

聖澤涵濡於三世

恩膏淪浹於一家臣緬祖訓以懷慚助孫謀而自勵惟

有力矢忠貞益殫愚直以冀子子孫孫勉効犬馬

永承

聖主恩澤縣長於勿替謹

奏奉

殊批知道了

那文毅公二任直隸總督奏議

卷六十二

十四

道光十年七月二十三日次子容照蒙

恩授理藩院右侍郎

道光十年七月二十八日

奏爲恭謝

天恩事竊臣於七月二十七日接到家信本年七月二

十三日欽奉

上諭理藩院右侍郎員缺著容照補授欽此當卽望

闕叩頭祇謝

天恩伏念臣滿洲臣僕世受

國恩重蒙

知遇勉効馳驅渥荷

聖主

恩慈頻沾

異數方愧職守多疎涓埃未報茲臣于咨照復蒙

恩補授理藩院右侍郎一家之中世受

隆恩實非夢寐所能期計現今中外滿漢大臣中惟臣

之父子三人均爲一二品大員

殊榮異寵實罕其儔戴山知重盛滿時虞廉頂莫酬冰

淵益凜且咨照年輕識淺雖屢叨

任使而寸長鮮効遽登卿貳益切悚惶既感且懼惟有

那文毅公二任直隸總督奏議

卷六十二

七

時切提撕並嚴加督責勵其夙夜敬慎雖才智限

於賦畀而竭盡犬馬則在自矢勿侈勿肆小心寅

畏以期仰報

高厚鴻慈於萬一謹

奏奉

硃批知道了

道光十年十二月十九日

奏本年年終例應

題奏咨辦事件俱已掃數辦竣並無積壓所有陸續

奉

旨特交京控案共十六起已次第審明奏結十三起尙
有甫經奉

旨人証尙未到齊者三起未及提審其各部院衙門咨

行京控案共五十九起臣隨時訊明咨結者四十

一起尙有未結者十八起或甫奉咨交或要証外

出或咨查原案未到均分別催查展限俟開印催

提審辦不致久延至各屬解勘各案犯俱經隨時

審定發回現在查明已未結

奏咨並各屬解審案內共應行留羈省監人犯五十

三名固圉並無淹禁拖累情弊本年直隸地方收

那文毅公二任直隸總督奏議

卷六十二

六

成中稔雖有被震被水偏災業蒙

聖恩分別賑濟蠲緩小民無虞失所統計通省錢糧完

至九分以上本節年旗租亦完銀四十四萬餘兩

已全數分批解部兌收閭閻含沐

聖澤豐樂安靜氣象熙恬洵堪仰慰

宸懷謹

奏奉

硃批知道了

那文毅公二任直隸總督奏議卷六十二